

KANDUNGAN

JAWAPAN-JAWAPAN BAGI PERTANYAAN-PERTANYAAN JAWAB

LISAN YANG TIDAK DIJAWAB DI DALAM DEWAN

(SOALAN NO.10 HINGGA NO. 51)

(SOALAN NO.2 DIJAWAB BERSEKALI DENGAN SOALAN NO.24)

NOTA: [RUJUK PENYATA RASMI HARIAN (HANSARD)]



SOALAN (10)**PEMBERITAHUAN PERTANYAAN
DEWAN RAKYAT, PARLIMEN MALAYSIA**

PERTANYAAN : LISAN

**TARIKH : 30 NOVEMBER 2017
[KHAMIS]**

**DARIPADA : TUAN MANIVANNAN A/L GOWINDASAMY
[KAPAR]**

SOALAN :-

Tuan Manivannan A/L Gowindasamy [Kapar] minta PERDANA MENTERI menyatakan

- (a) Inisiatif yang telah diambil oleh kerajaan untuk membangunkan Masyarakat India di bawah Pelan Tindakan Masyarakat India Malaysia (MIB) dan keberkesanannya setakat ini dalam meningkatkan taraf hidup masyarakat India; dan
- (b) Apakah faktor-faktor yang menyebabkan Pelan Tindakan Masyarakat India Malaysia (MIB) tidak di bawa ke Parlimen untuk dimeteraikan sebagai satu dasar seperti Dasar Ekonomi Baru (DEB).

3

JAWAPAN:

Tuan Yang di-Pertua,

(a) Pojek-projek yang ditaja SEDIC sepanjang tahun 2014 – 2016 telah berjaya memberi impak kepada masyarakat terutamanya golongan B40 dari seluruh Negara. Tumpuan khas diberikan kepada lokasi-lokasi yang mempunyai kepadatan masyarakat India yang tinggi. Sepanjang tempoh ini, hampir 400,000 masyarakat India dari pelbagai kategori seperti guru, murid, belia berisio tinggi, ibu tunggal dan pekerja berpendapatan rendah telah berjaya mendapat manfaat daripada program-program tajaan SEDIC. Impak ketara yang dapat dilihat dalam kalangan peserta ialah peningkatan pendapatan dan peluang pekerjaan. Peserta telah mendapat ilmu keusahawanan yang membolehkan mereka menceburi bidang perniagaan seperti jahitan, masakan, persolekan, pertanian, penternakan lembu dan juga perniagaan-perniagaan unik seperti dalam bidang optikal, landskap, pemprosesan kacang putih dan memandu teksi.

Hampir 7000 kanak-kanak dari golongan berpendapatan rendah mengikuti pendidikan pra sekolah tajaan SEDIC. Guru-guru pra

sekolah juga telah diberi latihan untuk meningkatkan kompetensi yang secara tidak langsung telah meningkatkan pendapatan mereka. Selain itu para belia berisiko tinggi dari kawasan pedalaman yang diberi latihan kemahiran sehingga dapat melanjutkan pelajaran atau mendapat pekerjaan dengan pendapatan yang cukup memuaskan. Program intervensi dan kelas bimbingan peringkat sekolah rendah dan menengah telah berjaya memberi manfaat kepada pelajar-pelajar kawasan pedalaman dan berisiko tinggi. Satu program khas yang melibatkan pelajar India berisiko tinggi dikendalikan di hampir 150 sekolah menengah di seluruh negara. Impak secara tidak langsung juga dapat dilihat daripada kursus-kursus *soft skill* seperti keagamaan dan motivasi yang telah berjaya mentransformasi minda masyarakat. Penyertaan guru-guru SJKT dalam program peningkatan profesionalisme Bahasa Melayu, Bahasa Inggeris, Sains dan Matematik memberi impak positif bukan sahaja kepada guru malah kepada pelajar-pelajar mereka.

SEDIC sentiasa memantau pelaksanaan program tajaan SEDIC bagi memastikan kumpulan sasaran mendapat faedah yang diharapkan. Kajian impak bagi program-program tajaan SEDIC

5

sedang diusahakan dengan kerjasama badan bebas seperti IPTA yang terpilih. Kerajaan akan terus komited untuk membantu semua rakyat Malaysia supaya tidak tertinggal di dalam arus pembangunan.

Sejajar dengan hasrat tersebut, Pelan Tindakan Masyarakat India Malaysia (MIB) telah menetapkan sasaran-sasaran yang komprehensif untuk memastikan pembangunan sosioekonomi masyarakat India secara holistic termasuklah:

- I. Mendaftarkan isi rumah kaum India dalam program eKasih;
- II. Pembinaan lebih banyak rumah mampu milik untuk kaum India;
- III. Memperkasakan program keusahawanan untuk kaum India;
- IV. Penyediaan lebih banyak peluang pekerjaan untuk masyarakat India;
- V. Meningkatkan bilangan pelajar India di Universiti Awam;
- VI. Memenuhi keperluan asas;
- VII. Merealisasikan potensi setiap kanak-kanak;
- VIII. Menambahbaik kehidupan dan kekayaan; dan
- IX. Meningkatkan penyertaan sosial

(b) MIB telah dilancarkan pada 23 April 2017 dan telah mendapat kelulusan Jawatankuasa Kabinet Masyarakat India yang dipengerusikan oleh YAB Perdana Menteri pada 29 Mac 2017. Ini merupakan kali pertama satu Jawatankuasa Khas ditubuhkan untuk program pembangunan sesuatu kaum tertentu. Program-program telah dirancang dan pelaksanaan program sedang dalam tindakan. Sehubungan itu, SEDIC telah distruktur semula dengan pemantapan perjawatan dan bertanggungjawab demi memastikan Pelan Tindakan Masyarakat India Malaysia mencapai matlamat yang telah ditetapkan.

Sekian, terima kasih.

30 November 2017